

SULIT



**PENTAKSIRAN DIAGNOSTIK AKADEMIK  
SEKOLAH BERASRAMA PENUH 2021**

**PEPERIKSAAN PERCUBAAN SIJIL PELAJARAN MALAYSIA**

**BAHASA MELAYU**

**1103/1**

**Kertas 1**

**November 2021**

**2 jam**

**Dua jam**

---

**JANGAN BUKA KERTAS SOALAN INI SEHINGGA DIBERITAHU**

**Arahan:**

1. Kertas peperiksaan ini mengandungi **dua** bahagian. **Bahagian A** dan **Bahagian B**.
2. Jawab soalan **Bahagian A** dan **satu** soalan daripada **Bahagian B**.
3. Jawapan anda hendaklah ditulis dalam kertas jawapan yang berasingan.
4. Jawapan boleh ditulis dalam tulisan Rumi atau Jawi

---

Kertas soalan ini mengandungi 4 halaman bercetak.

**1103/1**

© 2021 Hak Cipta BPSBP

**[Lihat Halaman Sebelah  
SULIT**

## BAHAGIAN A

[30 markah]

Maklumat di bawah berkaitan dengan sukan paralimpik.

Huraikan pendapat anda tentang sukan paralimpik.

Panjangnya huraian hendaklah antara 150 hingga 200 patah perkataan.

### ATLET CEMERLANG NEGARA GEMILANG

Harum kemboja di hujung pekan.  
Tepi kuburan tumbuh melati;  
Semangat waja di medan sukan.  
Sedia berkorban menabur bakti.

Pohon akasia berdaun lebat.  
Dahannya keras tumbuh di hutan:  
Atlet Malaysia cecal dan hebat.  
Perak dan emas jadi rebutan.

Sumber : Internet

Untuk memperkasakan sukan paralimpik di Malaysia, kerajaan telah membina Pusat Kecemerlangan Sukan Paralimpik di Kampung Pandan, Kuala Lumpur. Para atlet juga berpeluang menjalani latihan yang sistematik bersama dengan jurulatih yang dilantik. Selain itu, setiap atlet paralimpik yang meraih pingat emas, perak atau gangsa akan ditawarkan insentif dan ganjaran melalui Skim Hadiah Kemenangan Sukan (SHAKAM).

Sumber : Internet



FONG YEE KWEI



PONGKE BUNYUI LUSTIN



CHEAM EWE HOU

PINGAT EMAS  
DALAM ACARA  
BADMINTON

PINGAT PERAK DAN EMAS  
DALAM ACARA ANGKAT BERAT

PINGAT EMAS  
DALAM ACARA  
OLAHRAGA



APEAH LATH RONGLY



CHEW WEE LIM

PINGAT PERAK  
DALAM ACARA  
BOCCIA



**ATLET PARALIMPIK YANG MEMPEROLEH PINGAT  
DALAM SUKAN PARALIMPIK TOKYO 2020-2021**

## BAHAGIAN B

[70 markah]

Pilih satu daripada soalan-soalan di bawah dan tulis sebuah karangan yang panjangnya antara 350 hingga 500 patah perkataan.

## Soalan 1

Pandemik COVID-19 bukan sahaja telah mengubah landskap global malah turut menjejaskan ekonomi negara serta meninggalkan kesan mendalam bagi kehidupan masyarakat di Malaysia. Situasi ini amat merisaukan terutamanya kepada mereka yang terjejas sumber pendapatan akibat pengurangan gaji atau pemberhentian kerja. Pengetahuan kewangan yang dimiliki membantu individu menguruskan kewangan masing-masing dengan lebih baik pada waktu sukar ini

Sumber: Berita Harian *Online*, 25 September 2020

Petikan di atas menyatakan bahawa pengurusan kewangan yang sistematik sangat penting dalam situasi pandemik COVID-19. Lantaran itu, setiap individu perlu mengambil langkah-langkah sewajarnya untuk pengurusan kewangan yang bijak.

Bincangkan langkah-langkah tersebut.

## Soalan 2

Penyelidik dan Pakar Sosiologi, Universiti Sains Malaysia (USM), Dr. Nur Hafeeza Ahmad Pazil berpendapat bahawa pemilihan sahabat sangat penting bagi pembentukan sahsiah diri. Beliau turut menyatakan bahawa kejujuran dalam persahabatan dan sentiasa berfikiran terbuka juga antara elemen utama dalam pemilihan sahabat. Namun begitu, remaja pada hari ini didapati sukar untuk memilih sahabat yang baik.

Sumber: Berita Harian *Online* 2019

Petikan akhbar di atas menyatakan bahawa sahabat amat penting dalam kehidupan seseorang. Oleh itu, setiap individu perlu bijak memilih sahabat agar tidak terlibat dengan perkara-perkara yang negatif.

Huraikan ciri-ciri sahabat pilihan anda.

## SOALAN 3

Dalam tempoh 64 tahun negara mencapai kemerdekaan, Malaysia telah melalui beberapa cabaran hebat dalam isu perpaduan kaum hingga melibatkan pertumpahan darah dan kehilangan nyawa, iaitu tragedi 13 Mei 1969. Peristiwa tersebut memberikan pengajaran kepada rakyat di negara ini agar menitikberatkan aspek perpaduan dan membelakangkan kepentingan kaum masing-masing. Sebarang isu kaum perlu diselesaikan dengan semangat bermusyawarah demi kepentingan bersama.

Sumber: Utusan Malaysia, 30 Ogos 2021

Petikan akhbar di atas, menyatakan bahawa pelbagai cabaran dihadapi oleh rakyat Malaysia dalam memupuk perpaduan kaum. Bagi mengelakkan sebarang konflik, setiap rakyat perlu menyedari bahawa pentingnya perpaduan kaum. Sehubungan dengan itu, anda dikehendaki menyediakan sebuah rencana yang bertajuk, "Kepentingan Perpaduan Kaum di Malaysia".

Sediakan rencana tersebut selengkapnya.

## SOALAN 4

Perkembangan bidang teknologi maklumat dan komunikasi (TMK) telah berjaya menginjak tamadun dunia kepada situasi yang lebih kompetitif. Bidang ini telah mewajarkan manusia mencapai pelbagai kemajuan lebih-lebih lagi dalam bidang ilmu pengetahuan dan maklumat yang paling canggih. Pelbagai teknologi telah dimanfaatkan oleh guru dan murid di sekolah agar ilmu dan kemahiran dapat dijana.

Sumber: Internet

Petikan di atas menyatakan bahawa perkembangan pesat teknologi maklumat dan komunikasi (TMK) membawa pelbagai kebaikan kepada semua pihak. Oleh itu, guru dan murid sewajarnya mengambil peluang untuk menguasai kemahiran TMK.

Huraikan kebaikan menguasai kemahiran tersebut.

## KERTAS SOALAN TAMAT